

KOMISIJA ZA SUDIJSKA PITANJA OS BIH

Promjene u Pravilima igre 2017.-2020.

(Uz usporedbu sa promjenama 2015.-2016.)

Pravilo 1.1 – 2015–2016

Za FIVB, svjetska i zvanična takmičenja, slobodna zona iznosi **najmanje** 5 m od bočnih i 6,5 m od osnovnih linija. Slobodan vazdušni prostor za igru iznosi najmanje 12,5 m u visinu, računajući od podloge za igru.

Pravilo 1.1 – 2017–2020

Za FIVB, svjetska i zvanična takmičenja, slobodna zona iznosi 5 m od bočnih i 6,5 m od osnovnih linija. Slobodan vazdušni prostor za igru iznosi najmanje 12,5 m u visinu, računajući od podloge za igru.

Pravilo 1.3.4 –2015–2016

Za FIVB, svjetska i zvanična takmičenja, linija napada je od bočnih linija produžena dodatkom od pet isprekidanih linija, dugačkih 15 cm i širokih 5 cm, koje su ucrtane na međusobnoj razdaljini od 20 cm, a u ukupnoj dužini od 1,75 m. „Linija ograničenja za trenere“ (isprekidana linija, koja se prostire od linije napada do osnovne linije polja, paralelna bočnoj liniji i od nje udaljena **1,75 metara**) sastavljena je od linija dužine 15 cm, ucrtanih na udaljenosti 20 cm jedna od druge, da bi ograničile prostor za djelovanje trenera.

Pravilo 1.3.4 –2017–2020

Za FIVB, svjetska i zvanična takmičenja, linija napada je od bočnih linija produžena dodatkom od pet isprekidanih linija, dugačkih 15 cm i širokih 5 cm, koje su ucrtane na međusobnoj razdaljini od 20 cm, a u ukupnoj dužini od 1,75 m. „Linija ograničenja za trenere“ (isprekidana linija, koja se prostire od linije napada do osnovne linije polja, paralelna bočnoj liniji i od nje udaljena 1,75 metara) sastavljena je od linija dužine 15 cm, ucrtanih na udaljenosti 20 cm jedna od druge, da bi ograničile prostor za djelovanje trenera.

Pravilo 2.2 – 2015–2016

Mreža je 1 m široka i 9,5 do 10 m duga (od 25 do 50 cm sa svake strane bočnih traka), napravljena od crnih kvadratnih polja, stranice 10 cm.

Pravilo 2.2 – 2017–2020

Mreža je 1 m široka i 9,5 do 10 m duga (od 25 do 50 cm sa svake strane bočnih traka), napravljena od crnih kvadratnih polja, stranice 10 cm.

Pravilo 2.5.1 – 2015–2016

Za sva FIVB, svjetska i zvanična takmičenja, stubovi koji drže mrežu su postavljeni na udaljenosti od 1 m izvan bočnih linija.

Pravilo 2.5.1 – 2017–2020

Za sva FIVB, svjetska i zvanična takmičenja, stubovi koji drže mrežu su postavljeni na udaljenosti od 1 m izvan bočnih linija i **moraju biti obloženi zaštitnom oblogom.**

Pravilo 4.1.1 –2015–2016

Za FIVB, svjetska i zvanična takmičenja za seniore, najviše 14 igrača može biti upisano u zapisnik i igrati utakmicu. Trener sâm bira najviše pet članova stručnog štaba koji sjede na klupi (uključujući i trenera), ali oni moraju biti upisani u zapisnik i registrovani na O-2 (bis) obrascu.

Za FIVB, svjetska i zvanična takmičenja, ljekar i fizioterapeut ekipe bi trebalo da budu dio delegacije i moraju biti prethodno akreditovani od strane FIVB-a. Međutim, za FIVB, svjetska i zvanična takmičenja za seniore, ukoliko nisu uključeni u članove stručnog štaba, koji sjede na klupi, moraju sjediti iza zaštitne ograde, unutar takmičarskog kontrolnog prostora i mogu da intervenišu jedino ukoliko su pozvani od strane sudija da pruže neodložnu pomoć igračima.

Fizioterapeut ekipe (čak i ukoliko nije na klupi) može da pomaže u zagrijavanju, do početka zvaničnog zagrijavanja na mreži.

Pravilo 4.1.1 – 2017–2020

Za FIVB, svjetska i zvanična takmičenja za seniore, najviše 14 igrača može biti upisano u zapisnik i igrati utakmicu. Trener sâm bira najviše pet članova stručnog štaba koji sjede na

klupi (uključujući i trenera), ali oni moraju biti upisani u zapisnik i registrovani na O-2 (bis) obrascu. **Tim menadžer ili novinar ne smiju sjediti na klupi ili iza nje u kontrolnom prostoru.**

Svaki ljekar ili fizioterapeut koji se koristi za FIVB, svjetska i zvanična takmičenja, mora biti dio zvanične delegacije i prethodno akreditovan od strane FIVB-a. Međutim, za FIVB, svjetska i zvanična takmičenja za seniore, ukoliko nisu uključeni u članove stručnog štaba, koji sjede na klupi, moraju sjediti iza zaštitne ograde, unutar takmičarskog kontrolnog prostora i mogu da intervenišu jedino ukoliko su pozvani od strane sudija da pruže neodložnu pomoć igračima.

Fizioterapeut ekipe (čak i ukoliko nije na klupi) može da pomaže u zagrijavanju, do početka zvaničnog zagrijavanja na mreži. **Zvanični propisi za svaki događaj bit će navedeni u posebnom takmičarskom priručniku.**

Pravilo 4.3.3 – 2017–2020 – dodano

Za FIVB, svjetska i zvanična takmičenja na kojima delegacije imaju više igrača, dozvoljena je uporaba brojeva većih od 20 na dresovima.

Pravilo 4.5.3 – 2015–2016

Steznici (postavljena pomoćna sredstva za zaštitu od povreda) se mogu nositi kao zaštita i podrška.

Za FIVB, svjetska i zvanična takmičenja, ova pomoćna sredstva moraju biti iste boje kao odgovarajući dio uniforme.

Pravilo 4.5.3 – 2017–2020

Steznici (postavljena pomoćna sredstva za zaštitu od povreda) se mogu nositi kao zaštita i podrška.

Za FIVB, svjetska i zvanična takmičenja, ova pomoćna sredstva moraju biti iste boje kao odgovarajući dio uniforme. **Crna, bijela ili neutralna boja također mogu biti korištene.**

Pravilo 5.2.3.4 – 2015–2016

može, kao i ostali članovi ekipe, davati instrukcije igračima na terenu. Trener može davati ove instrukcije stojeći, ili hodajući unutar slobodne zone, ispred svoje klupe za rezervne igrače, od produžetka linije napada, do prostora za zagrijavanje, bez ometanja i odugovlačenja utakmice.

Za FIVB, svjetska i zvanična takmičenja, trener je ograničen da svoje funkcije obavlja iza linije ograničenja za trenere.

Pravilo 5.2.3.4 – 2017–2020

može, kao i ostali članovi ekipe, davati instrukcije igračima na terenu. Trener može davati ove instrukcije stojeći, ili hodajući unutar slobodne zone, ispred svoje klupe za rezervne igrače, od produžetka linije napada, do prostora za zagrijavanje, bez ometanja i odugovlačenja utakmice. Za FIVB, svjetska i zvanična takmičenja, trener je ograničen da svoje funkcije obavlja iza linije ograničenja za trenere, **tokom cijele utakmice**.

Pravilo 6.1.3 – 2015–2016

Nadigravanje i završeno nadigravanje.

Nadigravanje je niz akcija u igri, od trenutka servisnog udarca, od strane servera, do trenutka kada je lopta van igre. Okončano nadigravanje je niz akcija u igri čiji je rezultat dodjeljivanje poena. To uključuje i dodjeljivanje kazne i gubitak prava na servis zbog greške neizvođenja servisa u propisanom vremenskom roku.

Pravilo 6.1.3 – 2017–2020

Nadigravanje i završeno nadigravanje.

Nadigravanje je niz akcija u igri, od trenutka servisnog udarca, od strane servera, do trenutka kada je lopta van igre. Okončano nadigravanje je niz akcija u igri čiji je rezultat dodjeljivanje poena. **To uključuje:**

- **Dodjeljivanje kazne.**
- **Gubitak prava na servis zbog greške neizvođenja servisa u propisanom vremenskom roku.**

Pravilo 7.3.2 – 2015–2016

Prije početka svakog seta, trener mora na listiću za postavu prijaviti početnu postavu svoje ekipe. Listić, uredno popunjen i potpisan, predaje drugom sudiji ili zapisničaru.

Pravilo 7.3.2 –2017–2020

Prije početka svakog seta, trener mora prijaviti početnu postavu svoje ekipe na listiću za postavu ili **putem elektronskog uređaja, ako se koristi**. Listić, uredno popunjen i potpisan, predaje drugom sudiji ili zapisničaru – **ili se elektronski šalje direktno e-zapisničaru**.

Pravilo 7.3.5.4 – 2015–2016

Kada se ustanovi da je igrač na terenu, ali nije upisan u spisak igrača u zapisniku, protivnik zadržava svoje poene i dobiva dodatni poen i pravo na servis. Ekipe koja je učinila grešku gubi sve poene i/ili setove (0:25, ukoliko je potrebno) osvojene od trenutka kada je neupisani igrač ušao u igru i mora da dostavi ispravljeni listić za postavu i ubaci novog, upisanog igrača u igru, na poziciju neupisanog igrača.

Pravilo 7.3.5.4 – 2017–2020

Kada se ustanovi da je igrač na terenu, ali nije upisan **na spisak igrača**, protivnik zadržava svoje poene i dobiva dodatni poen i pravo na servis. Ekipe koja je učinila grešku gubi sve poene i/ili setove (0:25, ukoliko je potrebno) osvojene od trenutka kada je neupisani igrač ušao u igru i mora da dostavi ispravljeni listić za postavu i ubaci novog, upisanog igrača u igru, na poziciju neupisanog igrača.

Pravilo 7.5.1 – 2015–2016

Ekipe čini pozicionu grešku ako bilo koji igrač nije u pravilnoj poziciji u trenutku kada server udari loptu. Ovo uključuje i situaciju kada je igrač na terenu nakon nepravilne zamjene.

Pravilo 7.5.1 – 2017–2020

Ekipe čini pozicionu grešku ako bilo koji igrač nije u pravilnoj poziciji u trenutku kada server udari loptu. Ovo uključuje i situaciju kada je igrač na terenu nakon nepravilne zamjene. **Kada se na terenu nalazi igrač koji je zamijenjen nelegalnom zamjenom, a igra se nastavi, to se računa kao poziciona greška sa posljedicama nelegalne zamjene**.

Pravilo 7.7.1.1 – 2015–2016

Ekipe se sankcioniše poenom i servisom za protivnika.

Pravilo 7.7.1.1 – 2017–2020

Zapisničar bazerom zaustavlja igru; protivnička ekipa dobiva poen i pravo da sljedeća servira.

Ako se rotaciona greška utvrdi tek nakon što završi nadigravnja koje je počelo rotacionom greškom, samo jedan poen dodjeljuje se protivničkoj ekipi, neovisno na rezultat odigranog nadigravanja.

Pravilo 7.7.1.2 – 2015–2016

redoslijed rotiranja se ispravlja.

Pravilo 7.7.1.2 – 2017–2020

Igrači ekipe koja je napravila rotacionu grešku moraju zauzeti ispravne pozicije na terenu.

Pravilo 9 – 2015–2016

Svaka ekipa mora igrati unutar svog prostora za igru (osim u slučaju iz Pravila 10.1.2). Međutim, lopta može biti vraćena izvan slobodne zone.

Pravilo 9 – 2017–2020

Svaka ekipa mora igrati unutar svog prostora za igru (osim u slučaju iz Pravila 10.1.2). Međutim, lopta može biti vraćena izvan **vlastite** slobodne zone.

Pravilo 11.3.1 – 2015–2016

Dodir mreže od strane igrača između antena, za vrijeme akcije odigravanja loptom, je greška. Akcija odigravanja loptom uključuje (između ostalog) odraz, udarac (ili pokušaj udarca) i doskok.

Pravilo 11.3.1 – 2017–2020

Dodir mreže od strane igrača između antena, za vrijeme akcije odigravanja loptom, je greška. Akcija odigravanja loptom uključuje (između ostalog) odraz, udarac (ili pokušaj udarca), **siguran** doskok i **pripremu za novu akciju**.

Pravilo 11.4.4 – 2015–2016

Igrači koji se nalaze blizu lopte u trenutku odigravanja, ili koji pokušavaju, da je odigraju, su u akciji odigravanja loptom, čak i ukoliko nije došlo do kontakta sa loptom.

Pravilo 11.4.4– 2017–2020

Bilo koji igrač koji se nalazi blizu lopte u trenutku odigravanja i **koji pokušava odigrati tu loptu, smatra se** da je u akciji odigravanja loptom, čak i ukoliko nije došlo do kontakta **sa loptom.**

Pravilo 12.5.2 – 2015–2016

Igrač ili grupa igrača ekipe koja servira čini zaklon ako mašu rukama, skaču ili se kreću lijevo-desno za vrijeme izvođenja servisa, ili ako stoje grupisani da bi prikriili servera i putanju lopte.

Pravilo 12.5.2 – 2017–2020

Igrač ili grupa igrača ekipe koja servira čini zaklon ako mašu rukama, skaču ili se kreću lijevo-desno za vrijeme izvođenja servisa, ili ako stoje grupisani, **a čineći to sakrivaju oboje** i servera i putanju lopte **dok lopta ne dosegne vertikalnu ravan mreže.**

Pravilo 15.2.3 –2015–2016

Mora da postoji okončano nadigravanje između dva odvojena zahtjeva za zamjenu igrača od strane iste ekipe.

Pravilo 15.2.3 – 2017–2020

Mora da postoji okončano nadigravanje između dva odvojena zahtjeva za zamjenu igrača od strane iste ekipe. **(Izuzetak: Izuzetna zamjena zbog povrede ili isključenja/odstranjenja).**

Pravilo 15.4.4 – 2015–2016

Za vrijeme svakog tajm-auta, igrači koji su u igri moraju otići u slobodnu zonu, u blizinu svoje klupe za rezervne igrače.

Pravilo 15.4.4 – 2017–2020

Za vrijeme svakog tajm-auta (**uključujući i tehnički tajm-aut**), igrači koji su u igri moraju otići u slobodnu zonu, u blizinu svoje klupe za rezervne igrače.

Pravilo 15.10.3 c – 2015–2016

Za FIVB, svjetska i zvanična takmičenja, prilikom zamjene se koriste tablice sa brojevima.

Pravilo 15.10.3 c – 2017–2020

Za FIVB, svjetska i zvanična takmičenja, prilikom zamjene se koriste tablice sa brojevima (**i prilikom korištenja elektronskih uređaja**).

Pravilo 15.11.1.3 – 2015–2016

Za drugu zamjenu igrača od strane iste ekipe za vrijeme istog prekida, osim u slučaju povrede/bolesti igrača u igri;

Pravilo 15.11.1.3 – 2017–2020

za drugu zamjenu igrača od strane iste ekipe za vrijeme istog prekida (**npr. prije kraja sljedećeg završenog nadigravanja**), osim u slučaju povrede/bolesti igrača u igri;

Pravilo 23.3.2.3 – 2017–2020 – dodano

h) lopta koja prolazi mrežu u potpunosti ili djelimično izvan prostora za prolaz u protivničko polje ili dodiruje antenu na njegovoj/njenoj strani terena.

i) servis i treći dodir lopte prolaze preko ili izvan antene na njegovoj/njenoj strani terena.

Pravilo 24.3.2.7 – 2015–2016

ako lopta, koja je upućena u protivnički teren, prelazi mrežu potpuno ili djelimično izvan prostora za prelaz lopte, ili ako dodiruje antenu, na svojoj strani terena.

Pravilo 24.3.2.7 – 2017–2020

Ako lopta, koja je upućena u protivnički teren, prelazi **ravan** mreže potpuno ili djelimično izvan prostora za prelaz lopte, ili ako dodiruje antenu, na svojoj strani terena.

Pravilo 24.3.2.8 – dodano 2017–2020

Odservirana lopta i treći kontakt s loptom prolazi preko ili izvan antene na njegovoj/njenoj strani terena.

Pravilo 25.2.1.2 – 2015–2016

Upisuje početnu postavu obje ekipe sa listića za postavu.

Pravilo 25.2.1.2 – 2017–2020

Upisuje početnu postavu obje ekipe sa listića za postavu (**ili provjerava podatke dostavljene elektronskim putem**).

Pravilo 26.2.3.2 –2015–2016

Za FIVB, svjetska i zvanična takmičenja na kojima se koristi elektronski zapisnik, pomoćnik zapisničara saraduje sa zapisničarom u objavljivanju zamjena i identifikuje promjene igrača sa Liberom.

Pravilo 26.2.3.2 – 2017–2020

Za FIVB, svjetska i zvanična takmičenja na kojima se koristi elektronski zapisnik, pomoćnik zapisničara saraduje sa zapisničarom u obavljanju zamjena, **upućuje drugog sudiju na ekipu koja zahtjeva prekid igre**, i identifikuje promjene igrača sa Liberom.

DIO 3 – DEFINICIJE – 2015–2016

Skupljači lopti

Osoblje čiji je posao da, dodavanjem lopte ka serveru između nadigravanja, održavaju tok igre.

DIO 3 – DEFINICIJE – 2017–2020

Skupljači lopti

Osoblje čiji je posao da, dodavanjem lopte ka serveru između nadigravanja, održavaju tok igre.

Brisači

Osoblje čiji je posao održavati pod čistim i suhim. Oni brišu teren prije utakmice, između setova, i, ako je potrebno, između svakog nadigravanja.

DIJAGRAM 9: UPOZORENJA I SKALA SANKCIJA I NJIHOVE POSLJEDICE

9a: UPOZORENJA ZA NESPORTSKO PONAŠANJE MISCONDUCT I SANKCIJE					
KATEGORIJA	POJAVA	KRIVAC	SANKCIJA	KARTONI	POSLJEDICE
MANJI PREKRŠAJ	Nivo 1	Bilo koji član	Ne smatra se sankcijom	Bez kartona	Bez posljedica uz upisivanje u zapisnik
	Nivo 2			Žuti karton	
	Ponavljanje (bilo koje)		Kazna	Crveni karton	Poen i servis za protivnika